

ՀԱՅ ՄԻՋՆԱԴԱՐՅԱՆ ՍԿՋԱՆԱՂԱՅՈՒՐՆԵՐԸ ՔՈՒՇԱՆՆԵՐԻ ՄԱՍԻՆ

ԺԱՍՄԵՆ ԷԼԶԻՐԵԿՅԱՆ

Քուշանները իրանալեզու ցեղեր էին, որոնք ապրում էին Պարսկաստանին հյուսիս-արևելքից սահմանամերձ Բակտրիայում և Միջին Ասիայի տարածքում: Զավթողական նպատակներով նրանք հաճախ արշավում էին Պարսկական պետության սահմանները:

Քուշանների ու նրանց հաջորդների մասին վկայություններ պահպանվել են հունա-բյուզանդական, պարսկա-արաբական, չինական և հնդկական սկզբնաղբյուրներում: Բյուզանդական աղբյուրներում նրանք հայտնի են էֆթալիտներ (*Ἐφθαλίται*) կամ սպիտակ հոներ (*λευκοὶ Οἵνοι*) անվանումներով, պարսկականում՝ հեթալ (*Hetal*), արաբականում՝ հայթալ (*Haital*), չինական ժամանակագրություններում՝ գուհշուան-քուշան¹ (պետությունը կոչվում էր Մեծ Յուե-Չոի), հնդկականում՝ խունա-հունա: Հայ միջնադարյան պատմիչների երկերում նրանք հայտնի են փուշաններ, հոներ, հեփթաղներ, թետալացիներ անվանումներով:

Հայկական սկզբնաղբյուրները քուշանների մասին հաղորդում են քիչ, բայց կարևոր վկայություններ: Դրանք երբեմն լրացնում, նոր երանգներ են հաղորդում քաղաքական այս կամ այն իրադարձությանը: Այդ վկայությունների արժանահավատությունը հաստատվում է այլ աղբյուրներով: Միայն հայ պատմիչների հաղորդած վկայություններով հնարավոր է ներկայացնել սեղմ, բայց կապակցված քաղաքական պատմության պատկեր, քանի որ նրանք նկարագրվող դեպքերի ժամանակակիցն են, երբեմն էլ ականատեսը: Սակայն հայ պատմիչների վկայությունները երկար ժամանակ դուրս են մնացել գիտական շրջանառությունից: Մարկվարտը² և Գիրշմանը³ ինչ-որ չափով օգտագործել են նաև հայ պատմիչների հաղորդած վկայությունները: Ռուս պատմագրության մեջ Պիգուլևսկայան⁴ առաջիններից էր, որ օգտվեց քուշանների մասին նշված հաղորդած վկայություններից: Այնուհետև, Տրեփերը⁵ ավելի մանրակրկիտ անդրադառնալով հայ պատմիչներին, հանգեց հետա-

¹ Գուհշուանը քուշան անվան չինական տառագրությունն է (E. G. Pulleyblank, The Consonantal System of Old Chinese. „Asia Major“ New Series, vol. IX, pt. 1, 1962, էջ 18):

² J. Marquart, Eransahr nach der Geographie des ps. Moses Xorenac'i, Berlin, 1901.

³ R. Ghirshman, Les Chionites-Hephthalites, „Mémoires de la Délégation archéologique française en Afghanistan“ (այսուհետև՝ MDAFA), t. XIII, Le Caire, 1946.

⁴ Н. В. Пигулевская, Сирийские источники по истории народов СССР, М.—Л., 1941; ее же—Месопотамия на рубеже V—VI вв. н. э. Сирийская хроника Иешу Стилита как исторический источник, М.—Л., 1940.

⁵ К. В. Тревер, Кушаны, хиониты и эфталиты по армянским источникам V—VII вв. («Советская археология», т. 21, 1954, стр. 131—147).

բըրբիր եղրակացութիւնների: Ակադեմիկոս Գաֆուրովը⁶ տաշիկների մասին գրած իր աշխատության մեջ, քաղաքական պատմության մի շարք հարցերի կապակցությամբ, անդրադառնում է նաև հայ պատմիչներին:

Քուշանական պետության հիմնադրման կոնկրետ թվականը պատմագրության մեջ դեռևս պարզված չէ: Հնդկաստանում հայտնաբերված մի շարք արձանագրություններ հիշատակում են քուշանական տիրակալներին և նրանց թագավորության տարիները, որոնք, սակայն, ենթարկվում են հատուկ տոմարի միջոցով առայսօր այդ տոմարի և ժամանակակից տոմարների առնչության հարցը որոշված չէ⁷: Հայտնաբերված դրամները⁸ նույնպես չունեն թվական: Դրանց միջոցով վերականգնվել է միայն քուշանական տիրակալներին հաջորդականությունը:

Չինական ժամանակագրության համաձայն «Մեծ Յուե-Չոփն վերաբնակվելով Բակտրիայում՝ բաժանված էր հինգ վասալական տիրույթների: Դրանք էին՝ Խյումի, Շուանմի, Դուհշուան, Խիսյե և Դումի: Ավելի քան հարյուր տարի անց Դուհշուանի իշխան Կիոցզյուկուն⁹ իրեն ենթարկեց մյուս չորս իշխանությունները և հայտարարվեց դուհշուանական (քուշանական) պետության թագավոր: Նա ղավթեց Անսյին, նվաճեց Գաոֆուն, ոչնչացրեց Պուզուն¹⁰ և Գիբինը¹¹, միավորեց նրանց հողերը: Կիոցզյուկուն ապրեց ութսուն տարի: Նրա մահից հետո գահն անցավ որդուն՝ Յանգաոչենին, որն իր հերթին ղավթեց նաև Հնդկաստանը, այնտեղի ղեկավարությունը հանձնելով իր զորավարներից մեկին: Այդ ժամանակներից սկսած՝ Յուե-Չոփն շատ ուժեղացավ և հարստացավ: Հարևան երկրները նրան անվանում էին քուշանական պետություն, բայց չինական արքունիքը առաջվա պես նրան կոչում էր Մեծ Յուե-Չոփ»¹²:

Այս իրադարձությունները տեղի են ունեցել մ. թ. ա. I դարի կեսերին: Կազֆիս Ա-ի թագավորության տարիներին, ընդարձակվելով հարևան պետությունների տարածքների հաշվին, քուշանական պետությունը դուրս էր եկել Բակտրիայի սահմաններից: Հնագիտական պեղումներից հայտնաբերված դրամների մակագրություններում Կազֆիս Ա-ն ունի ինչպես «յարգու» (առաջ-

⁶ Б. Г. Гафуров, Таджики, М., 1972.

⁷ R. Ghirshman, Bégam, Recherches archéologiques et historiques sur les Kouchans,—MDAFA, t. XIII, le Caire, 1946, նույնի՝ Le problème de la chronologie des Kouchans,—«Cahiers de l'histoire mondiale», vol. 3, Neuchâtel, 1957. № 3, էջ 669—722.

⁸ R. Göbblе, Die Münzprägung der kushān von Vima Kadphises bis Bahram IV, F. Altheim, R. Stiehl, Finanzgeschichte der Spätantike, Frankfurt am Main, 1957, էջ 173—236.

⁹ Չինական ժամանակագրությունում հիշատակվող Կիոցզյուկուն համապատասխանում է դրամներից հայտնի, քուշանական թագավոր Կուշուլու Կազֆիս Ա-ին, որը, ըստ պատմագրության մեջ ընդունված տեսակետի՝ սկսել է իշխել մ. թ. ա. I դ. կեսերին (Б. Г. Гафуров, նշվ. աշխ., էջ 142):

¹⁰ Անսյին համապատասխանում է Պարսկաստանին, Գաոֆուն կամ Կաոֆուն՝ Քաբուլին, Պուզուն ըստ Մարկվարտի՝ Պակտիան է (նույն տեղում):

¹¹ Գիբինը գտնվում է Հնդկաստանի հյուսիս-արևմտյան մասում՝ Քաշմիրի և Կանդհարայի սահմանների մոտ (В. М. Массон, В. А. Ромодина, История Афганистана, т. 1, М., 1964, стр. 161):

¹² Н. Я. Бичурин, Собрание сведений о народах, обитавших в средней Азии в древние времена, М.—Л., 1950, т. 11, стр. 227.

նորդ), այնպես էլ «մեծ թագավոր», «թագավորների թագավոր» տիտղոսները¹³։ Նրա հաջորդ Կադֆիս Բ-ի ժամանակ քուշաններին հաջողվում է գրավել Հյուսիսային Հնդկաստանը՝ Քաշմիր քաղաքով։ Կադֆիս Բ-ն արդեն հորջորջվում էր «թագավորների թագավոր, աշխարհի տիրակալ, փրկիչ»։ Կադֆիս Ա-ի և Բ-ի գործունեությունները հիմնականում կապվում են Միջին Ասիայի հետ և պատմագրության մեջ այդ ժամանակաշրջանը կոչվում է վաղ քուշանական (մ. թ. ա. I և մ. թ. II դդ.)։ Քուշանական թագավորության երկրորդ շրջանը կապվում է Կանիշկայի և նրա հաջորդների գործունեության հետ, որոնց ժամանակ քուշանների քաղաքական կենտրոնը տեղափոխվում է հյուսիս-արևմտյան Հնդկաստան՝ Փեշավերի։

Քուշանական պետության անկումը սկսվում է մ. թ. III դ. Սասանյան Պարսկաստանի հետ ունեցած ռազմական ընդհարումների հետևանքով։ Սասանյաններից Արտաշիր Ա Պապականը (224—242), այնուհետև Շապուհ Ա-ն (242—272) քուշաններից գրավեցին Սիստանը, Մերվը, Բալխը, Խորեզմը՝ մինչև Խորասանի սահմանները, այսինքն՝ նախկին Պարթևական թագավորության ամենածայրամասային շրջանները¹⁴։

Սասանյան Շապուհ Բ թագավորի և քուշանների ընդհարման երկու հետաքրքրական փաստ պահպանվել է Փավստոս Բուզանդի մոտ։ Նա գրում է. «...Եւ զայնու ժամանակաւ խաղաղացաւ պատերազմ տալ Պարսից ընդ Հայս. զի արշակունին թագաւորն Քուշանաց, որ նստէր քի Բաղխ քաղաքի, նա յարոյց տալ պատերազմ ընդ սասանականին Շապհու և թագաւորին Պարսից։ Եւ Շապհու թագաւորն զամ զգորսն Պարսից գումարեալ խաղացոյց տալ պատերազմ ընդ նմա, և զորս միանգամ ածեալ էր գերութիւն յերկէն հայոց զամ ալրեւծի գումարեալ՝ խաղացոյց ընդ ինքեան. և զներքինին անգամ թագաւորին Հայոց Արշակայ տանէր ընդ ինքեան ի գործ պատերազմին»։ «...Իսկ իբրեւ եղև պատերազմ ընդ թագաւորին Քուշանաց և ընդ թագաւորին Պարսից, չարաչար տարածէին զգորսն Պարսից զօրքն Քուշանաց, և զբազումս կոտորեցին ի վօրացն Պարսից զօրքն Քուշանաց, և զբազումս ձերբակալ արարին, և զկէս փախստականս հալածական առնէին»¹⁵։

«...Քանզի զայն ժամանակաւ թագաւորին Պարսից սոսանականին տուեալ էր պատերազմ ընդ մեծ թագաւորին Քուշանայ ընդ արշակունոյն, որ նստէր ի Բաղհ քաղաքին։ ...Եւ իբրեւ իդեն խառնորդք երկոցունց զնդացն ընդ միմեանս, ապա ի պարտութի մատնեցան զօրքն Պարսից յերեսաց զօրացն Քուշանաց. դարձան ի փախուստ անհնարին հարուածովք, հասին ի վերայ զօրացն Պարսից. զի ոչ մի ի նոցանէն ոչ ապրեցուցանէին ի զօրացն Պարսից, բանքեր անգամ ոչ ապրէր»¹⁶։

Ինչպես հասկանալ Բուզանդի այս վկայությունները։ Վերը մենք նշեցինք, որ քուշանական թագավորությունը այնքան էր թուլացել, որ նրա տարածքների մեծ մասը, այդ թվում և Բալխորիան, գտնվում էր Սասանյան Պարսկաստանի գերիշխանության տակ, իսկ Բալխի Սասանյան փոխարքան նույնիսկ կրում էր «Քուշան-շահ» տիտղոսը։ Հետևաբար, դժվար է հավատալ, որ քուշանները

¹³ Б. Г. Гафуров, *изд. 2-е*, էջ 148։

¹⁴ В. Г. Луконин, Завоевание Сасанидов на Востоке и проблема кушанской абсолютной хронологии («Вестник древней истории») (այսուհետև՝ ВДИ), 1969, № 2)։

¹⁵ Փավստոսի Բուզանդացու Պատմութիւն հայոց», Վենետիկ, 1832, էջ 205—206։

¹⁶ Նույն տեղում, էջ 239։

շանները պարտության մատնելով պարսիկներին, նրանց զորքը այնպես են ոչնչացրել, որ անգամ բանքեր չի մնացել: Տրեվերի համոզմամբ՝ Բուզանդի հիշյալ վկայությունները վերաբերում են քուշանների հարևան հոների, որոնք այդ նույն ժամանակաշրջանում Սիր-Դարիայի հակառակ ափերից ներխուժելով Միջին Ասիա, հաջողությամբ կռվում էին պարսիկների դեմ¹⁷: Իսկ Բուզանդը, ըստ ավանդության, հոներին շարունակում էր անվանել քուշաններ, իր կարծիքը հաստատելու համար Տրեվերը վկայակոչում է Ամմիանոս Մարկելլինոսին, որը հավաստում է, թե իր տիրույթների ժայռամասերում Շապուհ Բ-ն արյունահեղ պատերազմներ էր մղում հոների և եռսենների դեմ¹⁸ Շապուհ Բ-ին հաջողվում է դաշինք կնքել հոների հետ, իսկ 359 թ. հոների թագավոր Գրումբաթը, Ամիդ քաղաքի պաշարման ժամանակ, հանդես է գալիս որպես Սասանյանների դաշնակից¹⁹: Կ. Վ. Տրեվերի այս բացատրությունը ենթակա է վերանայման:

Մեր կարծիքով, շատ հետաքրքրական է լինական ժամանակագրության մի վկայությունը, ուր խոսվում է քուշանական թագավորների հետնորդների՝ կիդարիտների քաղաքական գործունեության մասին: Ըստ այդ վկայության, «Յուս-Չոխի խիզախ թագավոր Յիդոլոն իր զորքով անցնում է մեծ լեռներով, հարձակվում Հյուսիսային Հնդկաստանի վրա և իրեն ենթարկում հինգ իշխողների, որոնք ընկած էին Գանտուլոյից (Գանդհարայից) սկսած դեպի հյուսիս»²⁰: Այնուհետև, նույն վկայությունից տեղեկանում ենք, որ Յիդոլոն իր մայրաքաղաքը «Յունլանշիից տեղափոխել է Բուլոն»:

Այսպիսով, պարզվում է, որ քուշանների մի նոր թագավոր, որի անունը Կիդար էր (Յիդոլոն՝ Կիդարի լինական անվանումն է), Հնդկաստանում հասել էր քաղաքական լուրջ հաջողությունների, նրան, հավանաբար, հաջողվել էր պարսիկներից ետ խլել նաև Բակտրիան, որովհետև Գուտշմիդտը, ապա Նյուդեկեն Բուլոն նույնացրել են Բալխի հետ²¹: Դրամագետները²² Կիդար-Յիդոլոյի դրամները թվագրում են մ. թ. IV դ. կեսերով: Պատմագրության մեջ կիդարների սահմանային այս միությունը հայտնի է որպես «կրտսեր քուշանների» թագավորություն²³: Հիշյալ վկայությունների հիման վրա հնարավոր է եզրակացնել, որ թուլացած քուշանական թագավորությունը IV դ. կեսերին որոշակի վերելք է ապրել և Միջին Ասիայի հոների հետ համատեղ գոյություն են ունեցել նաև հին քուշանների ժառանգները: Կարծում ենք, Փավստոս Բուզանդի վկայությունները վերաբերում են հենց այս կրտսեր քուշաններին:

Բուզանդը քուշանների թագավորին անվանում է «քուշանների մեծ թագավոր»: Այս վկայությունը հաստատվում է Հնդկաստանում գտնված մի

17 К. В. Тревер, *Изд. АИУ*, էջ 134:

18 Аммиан Марцеллин, История, пер. с латин. Ю. Кулаковского и А. Софии, вып. 1—3, Киев, 1936—1938, XIV, 3, I, XVI, 9, 3—4 (в дальнейшем Аммиан Марцеллин).

19 Аммиан Марцеллин, XVII, 5, I, XIX, 1: Հ. Մարկվարտը այն կարծիքին է, որ Ամմիանոս Մարկելլինոսի մոտ հիշատակվող եռսեններ բաղի տեղ-ն պետք է կարդալ «կա Այսինքն պետք է լինի եռսեն-կուսեն-բուզեն: Եթե ուղղումը ճիշտ է, ուրեմն հոները հանդես են գալիս քուշանների փոխարեն կամ նրանց հետ միասին:

20 Н. Я. Бичурин, *Изд. АИУ*, էջ 264:

21 В. М. Массон, В. А. Ромодин, *Изд. АИУ*, էջ 167, ծան. 34:

22 M. F. C. Martin, Coins of Kidara and the Little Kushans, "Journal of the Royal Asiatic Society of Bengal", Calcutta, 1937, vol. III, էջ 23—30:

23 В. М. Массон, В. А. Ромодин, *Изд. АИУ*, էջ 168:

արձանադրությամբ, որը վերծանել և թվագրել է հնդիկ գիտնական Բուդհա Պրակաշը: Վերջինիս կարծիքով՝ արձանագրությունը պատկանում է IV դ. կեսերին: Ա. Ալտեկարան ցույց է տվել, որ այդ արձանագրության մեջ խոսքը վերաբերում է կիզարների, որոնց թագավորն ուներ «թագավորների-թագավոր» տիտղոսը²⁴: Այս տիտղոսը հնարավորություն է տալիս ենթադրելու, որ կիզարներին ձեթարկվում էին ուրիշ շատ թագավորներ կամ ցեղեր:

Այնուհետև, ինչպես տեսանք, Բուզանդը քաղմիցս կրկնում է, որ քուշանների մայրաքաղաքը Բալխն էր: Այս վկայությունը տարակարծությունների առիթ է տվել, բայց եթե ընդունում ենք, որ Բուզանդը նկատի ունի հոնկիզարներին, ապա, իսկապես, շինական ժամանակագրության մեջ հիշատակվող Բուլոն նույն Բալխն էր: Բուզանդի վկայությունները մեկ անգամ ևս հաստատում են այն վարծիքը, որ IV դ. 70-ական թվականներին կիզարները պարսիկներից ետ խլելով Բակտրիան, իրենց մայրաքաղաքը կրկին դարձրել էին Բալխը: Վերջապես, Բուզանդը պատմական նոր միավորումը շարունակում է անվանել քուշանական: Դրա մեկնությունն այն է, որ փոխվել էր միայն իշխող վերնախավը, բայց մնացել էր պատմական նույն տարածքը, նույն ազգաբնակչությունը: Ժամանակակիցները հոներին կամ կիզարներին քիչ էին տարբերում քուշաններից, քանի որ տրանք էթնիկական նույն խմբին պատկանող ժողովուրդներ էին: Քուշանների և հոների էթնիկական կապի մասին թույլ արձագանքներ են պահպանվել արաբ պատմիչներ Տաբարիի և ադ-Դինավարիի երկերում՝ կապված Սասանյան թագավոր Վաամ-Բահրամ Գուրի (420—437) գործունեության հետ: Վերջինս, ըստ հիշյալ պատմիչների վկայությունների՝ պայքարում էր հոների դեմ²⁵:

Մեր եզրակացությունները հաստատվում են Նդիշեի վկայությամբ, որն ուղղակի գրում է. Հազկերտը «խաղաց գնաց միանգամայն ի վերայ տէրութեան Հոնաց աշխարհին, զոր Քուշանու անուանեն»²⁶, իսկ բյուզանդական պատմիչ Պրիսկուսը²⁷ (πρισκοζ) հոների մասին խոսելիս նրանց ուղղակի անվանում է կիզարներ, որոնք ազգակից էին քուշաններին:

Վերջապես, վերը նշված երկու հաստատվում էլ Բուզանդը քուշանների թագավորին անվանում է Արշակունի «զի Արշակունին թագաւորն քուշանաց», «թագաւորին քուշանաց ընդ Արշակունոցն»: Քուշանների Արշակունյան ժազման մասին վկայություններ, որքան մեզ հայտնի է, պահպանվել են միայն հայկական սկզբնաղբյուրներում: Մովսես խորենացին գրում է, որ հայոց թագավորը վրեժխնդիր լինելով պարթևական Արտավան թագավորի մահվան համար, ասպատակում է Պարսից և ասորեստանցիների երկիրը: Նա պատգամավորներ է ուղարկում «յլւր բնիկ աշխարհն, փ փողմանս Քուշանաց, զի իւր տոմայինքն ի թիկունս հասցեն, և Արտաշրի ընդդէմ կացցեն»²⁸: Ուշադրության արժանի է «տոմայինքն» արտահայտությունը, որով խորենացին որակում է խոսքովին: Ստրաբոնը Արշակ Մեծի մասին գրում է, որ նա ծագումով սկյութացի էր և որ տիրելով պարսիկներին, որոնք թափառում էին Օխս գետի

²⁴ Б. Г. Гафуров, *Изд. ашх.*, էջ 196:

²⁵ նույն տեղում, էջ 197:

²⁶ Նդիշեի վասն Վարդանայ և Հայոց պատերազմին», Երևան, 1957, էջ 11:

²⁷ «Сказания Приска Панийского», пер. Г. С. Дестуниса («Ученые записки II отд. АН», кн. 7, вып. 1, СПб., 1861, стр. 19, 25).

²⁸ «Մովսեսի խորենացու Պատմութիւն հայոց», Տփղիս, 1913, էջ 202:

հովտում, գրավեց Պարթևստանը և իրեն ենթարկեց նրանց: Շատերը Արշակին անվանում էին բակտրիացի, որը, ցանկանալով թոթափել Դիոդորտի իշխանությունը, Պարթևստանը ապստամբեցրեց²⁹: Սեբեոսը նույնպես Արշակ Մեծին անվանում է թեոտլացիների թագավորի որդի. «...ն. թագաւորեաց Արշակ Մեծ, որդի արքային Թէտաւացւոց ի Բահլ Շահաստանի յերկիրն Քուշանաց, որում ամենայն ազգք արեւելից և հիւսիսոյ հնազանդեցան ի ժառայութիւնս»³⁰:

Այս վկայությունները հիմք են տալիս կարծելու, որ Արշակունիների նախնիները՝ դահերը կամ բակտրիացիներն, ունեն միջինասիական ժագում, իսկ նրա մի ճյուղը՝ Կարենի³¹ պահլավը, շարունակում էր գտնվել քուշանների երկրում:

Խորենացու վկայությամբ, Խոսրով թագավորն առաջին անգամ անպատասխան մնալով, սրկորոդ անգամ է մարդ ուղարկում քուշանների երկիր՝ բռն Բահլ քաղաքը, իր ցեղակիցների՝ պարթևների և պահլավիկների մոտ, նրանց օգնությամբ Սասանյան Արտաշիրից վրեժ լուծելու համար: Կարենի պահլավ ցեղից միայն Վեհաճան անունով մեկն է պատրաստակամությամբ ցուցաբերում, իսկ մյուսները՝ Սուրենի պահլավը և Ասպահապետի պահլավը, անցնում են Արտաշիրի կողմը: Վեհաճանը տեղ չի հասնում, որովհետև Արտաշիրը հետապնդում և ճանապարհին ողնջացնում է նրան ու նրա ցեղակիցներին: Փրկվում է Բուրզ անունով մի երեխա, որին փախցնելով հասցնում են Քուշանների երկիրը³²:

V դ. կեսերին Միջին Ասիայում քաղաքական ասպարեզ են ելնում թեոտլացիները, որոնց աղբյուրները երբեմն շփոթում են հոների հետ: Թեոտլացիները նույն հոնական ցեղերի ներկայացուցիչներն էին: Հայկական սկզբնաղբյուրներում նույնպես քուշանների, հոների անվան կողքին տկում է հանդես գալ թեոտլացի անունը: Հատկապես հետաքրքիր է Նղիշի Պատմությունը, ուր նկատագրվում է Հազկերտ թագավորի արշավանքները քուշանների վրա: Նա ասում է, որ մոգերը համոզում էին Հազկերտ թագավորին զորք հավաքել և հարձակվել քուշանների երկրի վրա: Հաղթանակի դեպքում պարսիկների հեղինակությունը կբարձրանար այն աստիճան, որ անգամ հույները (բյուզանդացիները) այլևս չէին համարձակվի նեղել պարսիկներին: Պետք է ենթադրել, որ հոները բավականաչափ ուժեղ էին, որպեսզի նրանց պարտությունը դրական ազդեցություն ունենար պարսկա-բյուզանդական հարաբերությունների վրա. Վեսեն մոգըն. Վերքայ քաջ, աստուածքն ետուն քեզ զտէրութիւնդ և զյաղթութիւն, և ոչ ինչ կարօտ են նոքա մարմնատուր մեծութեան, բայց եթէ ի մի օրէնս դարձուցանես զամենայն ազգս և ազիւս, որ են ի տէրութեան քում. յայնժամ և աշխարհն Յունաց հնազանդեալ մտցէ ընդ օրինօք քովք: Արդ զմի բան զմեր վաղվադակի կատարեա դու, արքայ. զօր գումարեա և գունդ կազմեա. խաղա դնա յերկիրն Քուշանաց. և զամենայն

²⁹ Strabonis, Geographica, Lipsiae, 1915—1925, XI, 9, 2.

³⁰ Սեբեոսի եպիսկոպոսի Պատմութիւն, Երևան, 1939, էջ 8.

³¹ Տաբարիի աշխատության էջերում բազմիցս հանդիպում ենք Կարեն անվանը, նույնպես իր աշխատության ծանոթագրություններում այն անվանում է ցեղանուն (Th. Nöldeke, Geschichte der Perser und Araber zur Zeit der Sasaniden, Tabari, Leyden, 1879, էջ 127, Ժան. 2, էջ 128, Ժան. 4):

³² Խորենացի, էջ 208—209.

ազգոս հաւաքեալ և անցո ըստ Պահ դուռն ի ներքս... և տիրես դու և երկրին Քուշանաց, և Յոյնք իսկ ոչ ելանեն ընդ քո լիշխանութիւնդ»³³։

Հազկերտի հրովարտակով զորքը հավաքվում է Ապար³⁴ աշխարհում և դնում է հոնաց աշխարհի վրա, որոնց անվանում էին քուշաններ։ Մոտ երկու տարի տևող պայքարն ավարտվում է պարսիկների թեթևակի հաշողությամբ։ Նշված իրադարձությունները, ըստ Նղիշեի, տեղի են ունենում «...սկսեալ ի չորրորդ ամէ տէրութեանն իւրոյ մինչև յամն մետասաներորդ թագաւորութեանն»³⁵։

Իր աշխատության երկրորդ գլխում Նղիշեն քուշաններին այլևս հոներ չի անվանում։ Հազկերտ II-ը իր թագավորության տասներկուերորդ տարում (450 թ.) հարձակվում է թեոտալական երկրի վրա. «Արդ ի սկզբան երկոտասաներորդ ամի թագաւորութեան իւրոյ գունդ կազմէր անհամար բազմութեամբ, յարձակեալ հասանէր յերկիրն Իտաղական։ Ջայս տեսեալ թագաւորին Քուշանաց՝ ոչ հանդուրժէր ելանել ընդ առաջ նորա պատերազմաւ. այլ խոյս տուեալ ի կողմանս ամուր անապատին, թագստեամբ ապրէր հանդերձ ամենայն զօրօքն իւրովը։ Իսկ սա առապատակ արձակէր գաւառաց, տեղեաց, վայրաց. առնոյր զբազում բերդս և զքաղաքս, և կուտէր զգերին, զառ և զապուռ և զաւար, ածէր հասուցանէր յերկիր իւրոյ տէրութեանն»³⁶։

Հազկերտ թագավորի առաջին արշավանքից անցել էր ընդամենը ութ տարի, և ահա Նղիշեն նրա թշնամիներին անվանում է թեոտալացի, նրանց երկիրը՝ թեոտալական։ Տրեվերը հենվելով այն փաստի վրա, որ քուշանների թագավորը առանց մարտն ընդունելու փախել է անապատի կողմերը, իսկ պարսիկները ասպատակելով գրավել են լրացմաթիվ բերդեր ու քաղաքներ, եզրակացնում է, որ թեոտալացիների գերիշխանությունը հոնների վրա դեռևս վերջնական չէր³⁷։

Պատմագրությանը անհայտ է, թե թեոտալացիները երբ են անցել իշխանության գլուխ։ Այդ կապակցությամբ վարելի չէ բերել մի շարք վկայություններ. այսպես, 437 թ., երբ չինական տեսաբանությունը ժամանում է Արևմտյան երկիր, դեռևս անկախություն էին վայելում Տուրֆանեն, Սողդը, Տաշքենտը, Ֆերգանան, Թուրանիստանը և այլն։ Իսկ չինական ժամանակագիրները շարունակում են այդ երկիրը կոչել Յոսե-Չժի։ Ենթին³⁸ այս փաստից ելնելով եզրակացնում է, որ 437 թ. թեոտալական միությունը տակավին գոյություն չունի։

V դ. իրադարձությունները նկարագրելիս ասորական ժամանակագիր

³³ Նղիշե, էջ 9։

³⁴ Հին պարսկական ձևը Ապարշահն է, որ նշանակում է Վերին աշխարհ։ Այն այսօրվա Խորասանն է։ Ապար աշխարհի գլխավոր քաղաքը Շապուհ I-ի կառուցած Նյուշապուհն էր։

³⁵ Նղիշե, էջ 12։ Հազկերտ II-ի թագավորության չորրորդ տարվանից մինչև տասներմեկերորդ տարին կլինի 442—449 թթ.։ Հազկերտը գահակալել է 438—457 թթ.։

³⁶ Նույն տեղում, էջ 18։

³⁷ K. B. Тревєр, նշվ. աշխ., էջ 137։

³⁸ Չինական ժամանակագիրների համապատասխան վկայությունների վերլուծությունը տե՛ս K. Enoki, On the nationality of the Ephthalites „Memoirs of the Research department of the Toyo Bunko“, Tokyo, 1959, № 18, էջ 1—13։

Հեսու Սյունակյացը³⁹, բյուզանդական պատմիչ Պրոկոպիոս Կեսարացին⁴⁰ թեոալացիներին շարունակում են անվանել հոներ:

Լ. Գոմիլյովը⁴¹, մանրամասն ուսումնասիրելով թեոալացիների մասին գոյություն ունեցող սկզբնաղբյուրները, հանգել է այն եզրակացության, որ թեոալացիները ձևավորվել են V դ. կեսերին: Դրանք Բաղաշխանի շրջանում թափառող ցեղեր էին, որոնք փոխարինեցին հոներին: Չինական ժամանակագիրները⁴² նույնպես նրանց անվանում են քոչվոր վաչկատուն ցեղեր, որոնք ծագել են Յուե-Չժիից:

Ավելի ուշ՝ 453—454 թթ. Հազկերտ II թագավորը թեոալացիներին իրեն ենթարկելու մի նոր փորձ է կատարում: Թեոալացիները դիմադրում են պարսիկներին և պարտության մատնում: «...զօր ժողովէր գունգ կազմէր, ելանել նմա ընդ առաջ հզօր ձեռամբ: Զի թէպէտ և ոչ կարէր յանդիման տալ պատերազմ ընդդէմ նորա, այլ ի վերջի թեոյն անկեալ՝ բազում հարուածս հասուցանէր ի վերայ զօրացն արքունի: Եւ այնպէս նեղեալ շտապէր, զի անձուկ լաշկարաւ վատախտարակ արարեալ՝ այսրէն դարձուցանէր, և ասպատակաւ զհետ մտեալ աւերէր զբազում գաւառս արքունի, և ինքն ողջանդամ անդրէն լերկիրն իւր դառնայր»⁴³:

Եղիշեն, ցավոք, ոչ մի տեղանուն չի հիշատակում, որը հնարավորություն տար որոշելու, թե ուղղակի գործողությունների հետեանքով ի՞նչ շրջաններ գրավեցին թեոալացիները: Այսուհանդերձ, Տրեվերը կարծում է, որ վերոհիշյալ իրադարձությունները տեղի են ունեցել մոտավորապես Նիշապուրի, Բախի և Բուխարայի շրջաններում⁴⁴, Եղիշեի մոտ որևէ վկայություն չկա նաև թեոալացիների կրոնական հավատալիքների մասին: Բայց այն փաստը, որ Հազկերտ II-ը մոգերի թելադրանքով էր պատերազմի ելնում քուշանների դեմ, արդեն վկայում է, որ վերջիններիս կրոնը ընդհանուր ոչինչ չունի զրադաշտականի հետ: Այս առումով հետաքրքրական է հոների թագավոր Գրումբաթի որդու թաղման մասին Ամմիանոս Մարկելլինոսի⁴⁵ նկարագիրը: Ռազմի դաշտում ընկած թագավորի երիտասարդ որդու մահվան կապակցությամբ տասը օր դադարում են ուղղակի գործողությունները: Սգո արարողությունը ուղեկցվում է թաղման երգերով, լաց ու կոծով: Հանգուցյալի մարմինը դիակիզում են և աճյունասափորը տեղափոխում հայրենիք: Թաղման այս ժեսը, իրոք, ոչ մի ընդհանուր բան չունի զրադաշտականության հետ: Այն ավելի բուդդայական է:

Սասանյան Պարսկաստանի և թեոալացիների պայքարը հատկապես սրվում է Պերոզ թագավորի իշխանության տարիներին (459—487): Սա թեև պարտավորվել էր չխախտել պարսիկների ու թեոալացիների միջև հաստատված այն սահմանը, որ գոյություն ունեն դեռևս Վահրամ Գուրի ժամանակ-

³⁹ Н. В. Пигулевская, Сирийские источники..., էջ 53:

⁴⁰ Պրոկոպիոս Կեսարացի, Թարգմանություն բնագրից, առաջաբան և ծանոթագրություններ Հրաշ Բարթիկյանի, էջ 4:

⁴¹ Л. Н. Гумилев, Эфталиты и их соседи IV в., ВДИ, 1959, № 1,

⁴² К. Енокі, նշվ. աշխ., էջ 1—13:

⁴³ Եղիշեն, էջ 142:

⁴⁴ К. В. Тревер, նշվ. աշխ., էջ 137:

⁴⁵ Аммиан Марцеллин, XIX, 1, 2.

ներից⁴⁶, բայց հավատարմության այդ երդումը երկար չի տևում: Նա հարձակվում է թեմալական երկրի վրա: Այդ ընդհարումների մասին հետաքրքրական նյութեր են պահպանվել Ղազար Փարպեցու մոտ: Նա գրում է. «Լքեալ և սրտաբեկեալ ամենայն մարդ՝ տեսանել լոկ սիրով չկարէր զայն Հեփթաղ և կամ զանունն լոկ լսել, թող թէ կոտով ընդդէմ Հեփթաղի երթալ և կամ յայտնի ելանել, յիշելով զահ և զպաշարումն, զոր անցին ընդ տէրն Արեաց և ընդ Պարսիկս: Եւ յայտնի աղաղակէր ամենայն բերան. «Եթէ մահապարտ եմք, և արքայից արքայ զմեզ սպանանել կամի՝ ինքն իսկ աստէն սուր թի վերայ եղեալ հրամայեցէ սպանանել, քան եթէ սրով հեփթաղին տայ կորուսանել զԱրիս որ գործ մինչև ցյափտեանս զանձն և զԱրեաց աշխարհ վատանուն առնէ»⁴⁷:

Հեփթաղների թագավորը ցանկանալով Պերոզին սթափեցնել, ուղերձ է ուղարկում նրան, հիշեցնելով անցյալ պարտությունները և իրենց երկրների միջև կնքված չհարձակման դաշինքները. «Քո ընդ իս ուխտ է երդմամբ, գրով և կնքով, թէ չկոտիմ ընդ քեզ. և սահմանս կարգեցաք, զորովք չիշխեսցուք թշնամութեամբ անցանել առ միմեանս. արդ՝ յիշեա զուխտն և զնեղութեան պաշարումն, յորմանէ ողորմեալ իմ արձակեցի զքեզ, և ոչ սպանի, և ի բաց դարձիր խաղաղութեամբ, և մի մեռանիր. ապա թէ ոչ լսես բանից իմոց՝ գիտա, զի կորուսանեմ զքեզ և զամենայն զանախտան բազմութիւնդ, յոր դու յուսացեալ ես: Քանզի ես և արդարութիւն ուխտապահութեան ի միասին կոտիմք, և դու և ռիստաղանցութեանն ստութիւն ի միասին էք. և արդ՝ դու ինձ զի՞արդ կարես յաղթել»⁴⁸, Այս վկայությունը նույնպես համապատասխանում է իրականությանը: Ասորի ժամանակագիր Հեսու Սյունակյացը գրում է. «Նա (Պերոզը—Ժ. է.) որպես երաշխավոր և պատանդ թողեց Կավատին՝ իր որդուն, և երկրորդ անգամ կնքեց չհարձակման պայմանագիր»⁴⁹:

484 թ. Պերոզի արշավանքը անփառունակ վախճան ունեցավ ինչպես իր, այնպես էլ Պարսկաստանի համար, որը հարկատու դարձավ հեփթաղներին. «Վասն զի որ այժմ Արեաց տէրն է ամենայն աւագանին՝ զայդ եթ խօսին հանապազ, և ամխիթար ողբան և տրտմին, յիշելով զՊերոզի զանհաւան և զամբարհաւաճ զբարսն, զոր ոչ ունէր նման մարդոյ, այլ նման շար և վայրենի զազանի: Որ կորոյս զինքն և զամենայն Արեաց աշխարհի զոյժ և զզօրութիւն, և զթագաւորութիւն մի մեծ և զազատ ի ծառայութիւն ետ Հեփթաղին. յորմէ ի դառն ծառայութենէ, մինչ կենդանի է Արեաց աշխարհն՝ զերծանել ոչ կարէ»⁵⁰:

Պարսիկների հարկատու դառնալը հեփթաղներին վկայում է նաև Պրոկոպիոս Կեսարացին. «Այսպես ուրեմն, Պերոզը և պարսիկների ամբողջ զորքը ոչնչացվեց... Այն ժամանակներից սկսած պարսիկները հարկատու դարձան հեփթաղներին, մինչև Կավազը հզորացավ և դադարեց վճարել տարեկան հարկը: Այդ բարբարոսները պարսիկների վրա տիրեցին երկու տարի»⁵¹:

46 А. Э. Шмидт, Материалы по истории Средней Азии и Ирана («Ученые записки Института востоковедения АН», М.—Л., 1958, XVI, стр. 446).

47 «Ղազարայ Փարպեցույ Պատմութիւն հայոց», Թիֆլիս, 1907, էջ 341:

48 Նույն տեղում, էջ 342:

49 Н. В. Пигулевская, Изв. акад., II, § 10.

50 Փարպեցի, էջ 366:

51 Պրոկոպիոս Կեսարացի, էջ 9 (ընդգրկում՝ ճփթաղ):

Տարարին⁵², խոսելով Պերոզի արշավանքների մասին, նույնիսկ հիշատակում է հնգիթաղների թագավորի՝ Ախշունվարի, անունը: Բոլոր սկզբնաղբյուրներն էլ համերաշխ են հատկապես Պերոզի սպանության նկարագրության հարցում: Նրանք պատմում են, որ Պերոզը իր ընտանիքի անդամներով ընկել է այն թակարգ-փոսը, որ պատրաստել էին հնգիթաղները: Պրոկոպիոսն անգամ գրում է, որ հնգիթաղների թագավորն իր տրոշի ծայրին կախել էր այն աղը, որով նախապես երգվել էր Պերոզը⁵³:

Հազար Փարսեցու այն վկայությունը, թե պարսիկները խախտելով պայմանագիրը, հարձակվել էին հնգիթաղների վրա, նույնպես հաստատվում է Պրոկոպիոսի միջոցով, որը գրում է, թե «սրանք (հնգիթաղները) ղեկավարվում են թագավորի կողմից, օրինական պետություն ունեն, միմյանց, ինչպես և հարևանների հետ վարվում են օրինավոր և արդար կերպով, ոչ պակաս, քան հռոմայեցիները և մնացած բոլոր (ժողովուրդները)»⁵⁴:

Սեբեոսի աշխատությունը հիմնականում նվիրված է VII դ. իրադարձություններին: Այստեղ նա անդրադառնում է նաև ավելի վաղ ժամանակներին. խոսելով Պերոզի թշնամիների մասին՝ նրանց անվանում է քուշաններ⁵⁵, թե-տալացի է անվանում ավելի ուշ՝ VII դ. երկրորդ կեսի իրադարձությունների կապակցությամբ, երբ կազմավորվել ու ծաղկման էր հասել թուրքական խականությունը, որը հիմնադրվել է Միշին Ասիայի սահմաններից շատ հեռու՝ Ալքսյում և մեծ դեր է կատարել թեոտակական պետության անկման գործում: Թուրքերի տարածքային ընդարձակումը կապված էր Մուխան խականի անվան հետ: 551 թ. թուրքերը հասնում են «Արևմտյան ծով», հավանաբար Արալյան լիճը: VI դ. կեսերին թեոտակական պետությունը գտնվում էր մի կողմից Պարսկաստանի (որը, հոսորով Ա Անուշիրվանի ժամանակ ուժեղանալով, դադարել էր հարկ վճարել թեոտալացիներին), մյուս կողմից՝ թուրքական խականության անընդհատ հարվածների վտանգի տակ⁵⁶:

Հաստատվում է թուրք-սասանյան ռազմական կոնֆլիկտը: Թուրքական խականության ղեկավարները, Պարսկաստանի հնազույն թշնամի Բյուզանդիայի հետ դաշնակցած, նրա դեմ կնքում են ռազմական պայմանագիր: Թուրքերն իրենց զավթողական քաղաքականությունն ուժեղացրին հատկապես հոսորով Ա Անուշիրվանի մահից հետո՝ իրենց առաջին հարվածներն ուղղելով Թոխարիստանում պահպանվող թեոտակական պետության դեմ: Թեոտալացիները ստիպված էին ընդգրկվել թուրքական բազմալեզու քուվորական ցեղերի կազմում:

52 А. Э. Шмидт, *нзл. աշխ.*, էջ 449:

53 Պրոկոպիոս Կեսարացի, էջ 7: Աղով երգվելու մասին վկայություններ պահպանվել են նաև հայկական սկզբնաղբյուրներում՝ «Եւ նա ետ բերել՝ ըստ օրինացն հաստատրիմ երդմանց թագաւորութեն Պարսից՝ աղ, կնքել վարդա նկարագիր մատանեաւ, և յղեաց» (Փավստոս Բուզանդ, էջ 164), «Եւ տայ տանել նմա երդումն աղ կնքել և տանել ընդ հրովարտակիւն» (Սեբեոս, էջ 97), կամ «...արա վասն նորա հաստատութիւն գրով և կնքով և աղիւ» (նույն տեղում, էջ 99):

54 Պրոկոպիոս Կեսարացի, էջ 4:

55 Սեբեոս, էջ 26:

56 М. М. Дьяконов, *Очерки истории древнего Ирана*, М., 1961, стр. 309—315, 321; Н. В. Пигулевская, *Византия и Иран за рубежом VI—VII вв.*, М.—Л., 1946, стр. 82—83.

Պարսկական պետության արևելյան նահանգների իշխան Վահրամ Չուբինը (Մերհնիվանդակը) պատասխան արշավի է ելնում թուրքերի դեմ և հասնում է հաջողության: Սեբեոսը, որ այդ իրադարձությունների ժամանակակիցն էր, գրում է. «Եւ եղև ի ժամանակին յայնոսիկ Վահրամ ոմն Մերհնիվանդակ, իշխան արևելից կողմանց աշխարհին Պարսից, որ հարկանէր քաջութեամբ իրով զգաւրս Թեառալացոց և բռնութեամբ ունէր զԲահլ և զամենայն երկիրն Քուշանաց՝ մինչև յայնկոյս գետոյն մեծի, որ կոչի Վեհոտտ, և մինչև ցտեղին, որ կոչի Կազբիոն»⁵⁷: Մարկվարտը⁵⁸ Կազբիոնը նույնացնում է Թեառալական քաղաք Պայկենտի հետ, Տրեվերը⁵⁹ հավանական է համարում Չուբինի հասնելը մինչև, այսպես կոչված, «երկաթյա դռները», որը գտնվում է Թոխարիստանի և Սողդի սահմաններում: Այդ առումով ուշագրավ են Սեբեոսի օգտագործած արտահայտությունները՝ «թեառալացիների զորք», բայց ճշգրտանների երկիր»: Այնուհետև, Վահրամ Չուբինը պատերազմում է «...ընդ մեծի արքային Մազթաց, որ էր իր կողմանն յայնմիկ, յայնկոյս գետոյն մեծի՝ հհար դթազմութիւն զաւրացն, և սպան զթագաւորն ի պատերազմի. և ըմբռնեալ յափշտակեաց զամենայն զգանձս թագաւորութեանն յայնորիկ»⁶⁰:

Մարկվարտը և Պիգոլեսկայան, ինչպես նաև Տրեվերը այն կարծիքին են, որ Սեբեոսը այս համվածում Վահրամ Չուբինի հակառակորդներին սխալմամբ է մազթուկներ անվանում, որ դրանք թուրքերն էին, իսկ տեղի ունեցած պատերազմը՝ 588 թ. թուրք-պարսկական ընդհարումը: Այս տեսակետը, մեր կարծիքով, միանգամայն անընդունելի է, որովհետև մազթուկները նույն մասսագետներն էին, որոնք բնակվում էին Ամու-Դարյա գետի ափերին: Հայկական սկզբնաղբյուրներում Ամու-Դարյան հիշատակվում է իբրև «Մհծ գետ», Վեհոտտ անունով: Այս մազթուկներն ավելի ուշ հասել էին մինչև Անդրկովկաս, թափառում էին Կասպից ծովի ափերին, մինչև Ճորա կոչվող ամրոցը: Վահրամ Չուբինը տվյալ դեպքում պատերազմում էր միջին ասիական ծագում ունեցող այն ցեղերի դեմ, որոնք թափառում էին այժմյան Ուզբեկստանի հյուսիսում գտնվող տափաստաններում: Հայերի մոտ այդ ժողովուրդները կոչվում էին մազթուկներ:

Վահրամ Չուբինը, կարճ ժամանակ անց, ապստամբում է խոսրով թագավորի դեմ և զրավում Տիգրոնը՝ ստիպելով խոսրովին փախչել: Չուբինի իշխանությունը, սակայն, կարճատև էր: Խոսրովը բյուզանդացիների օգնությամբ 591 թ. հտ է խլում իշխանությունը: Սակայն 591—602 թթ. միջև ընկած ժամանակահատվածում խոսրովի դեմ ապստամբում է խորասանի կառավարիչ Վաստամը և խլում իշխանությունը: Սեբեոսը վկայում է, որ այս Վաստամը իրեն է ենթարկել քուլանների երկու թագավորներին՝ Շավգին և Պարիոկին⁶¹:

⁵⁷ Սեբեոս, էջ 33:

⁵⁸ J. Marquart, նշվ. աշխ., էջ 63:

⁵⁹ K. B. Тревер, նշվ. աշխ., էջ 140:

⁶⁰ Սեբեոս, էջ 34:

⁶¹ Սեբեոս, էջ 62, Տրեվերը հիմնվելով ներշնչի զիպուլյունների վրա, քուլանների այս երկու թագավորներին նույնացնում է VI դ. վերջերին իշխած Բուխարայի թագավորների հետ (Нершахи, История Бухары, пер. Н. Лыжина, Ташкент, 1897, стр. 13—14): Մարկվարտը Շավգին նույնացնում է 588 թ. տեղի ունեցած թուրք-պարսկական ընդհարման ժամանակ թուրքական զորքերի հրամանատար Շաբայի հետ, որը միանգամայն անընդունելի է:

Ինչպես տեսնում ենք, Սեբեոսը շարունակում է հիշատակել քուշաններին, թեև այդ ժամանակաշրջանում արդեն գործ ունենք թեոալագիների թուլացած թագավորության հետ, որը ենթարկվել էր թուրքական խականությանը և նրանց զորքի կազմում մասնակցում էր այն պատերազմներին, որ մղում էին յուրքերը Վասանյան Պարսկաստանի դեմ:

Սեբեոսը իր վկայություններն ավարտում է Սմբատ Բագրատունու⁶² գործունեությամբ: Վերջինս, որը Վրկանի (Հիրկանիա) մարզպանն էր, որը 616—617 թթ. մեծ զորքով գնում է Արևելք՝ դեպի քուշանների երկիրը: Նա անցնում է այն երկիրը, որ կոչվում էր Կոմշ, համալրելով զորքը, հարձակվում է քուշանների վրա և պարտության մատնում նրանց. «...անտի ի փութուս դարձան զարքն Քուշանաց, և վանեցան առաջի զաւրացն հոսսով Շմոյ, բազումք ի նոցանէ մեռան և քաղումք սխախտական զնաքին: Եւ նա դարձեալ բանակեցաւ յԱսոր Շահր՝ ի Տոս գաւառի. և ինքն նստէր երեք հարիւր արամբք ի քաղաքագեւղն՝ որ կոչի Խոռխտ»⁶³:

Սմբատի զորքը հավաքվում է Տոս գավառի Ապրշահրում (Խորասան), որի կենտրոնը Սեբեոսը կոչում է Խրոխտ, թերևս այժմյան Թուսը: Այս այն տեղն էր, որտեղ, ըստ Նիշի, իր զորքն էր հավաքել Հազկերտ II-ը: Մինչ այդ, քուշանների թագավորը օգնության է կանչում հյուսիսային կողմի թագավորին՝ «Մեծէն Խաքանայ»: «...Եւ եկն ել ամբոխ և բիւրոյ ի թիկունս աւգնականութեան նոցա, անց գգեառովն որ կոչի Վհհոտ, որ ելանէ ի Թուրքաստանէ յերկրէն Եւրդատայ, (զԴիոնոս եփեստեայս, զՇամնն և զԲրամնն, և հոսի ի Հնդկիս): Եւ բնակեալ փ վերայ գետեզրն՝ առպատակս սփռեցաւ ընդ արևմուտս, և հասեալ յանկարծարէն պատեցին սրաշարեցին զգիւղաքաղաքն, զի ունէր գեւղն պատուար ամրութեան շուրջ զիրեաւ շուրջանակի»⁶⁴:

Այս ընդհարման ժամանակ պարսիկները պարտվում են: Սմբատը նոր զորք հավաքելով երկրորդ անգամ արշավի է ելնում թի վերայ ազգին Քուշանաց և արքային հեփթաղայ: Սեբեոսի այս վկայությունն ունի հատուկ նշանակություն, որովհետև եթե Խոսրով Ա-ի արշավանքների մասին խոսելիս Սեբեոսը գրում է «քուշանների երկիր», «քուշանների զորք», «քուշանների թագավոր», ապա այժմ՝ «քուշանների ազգ» և «հեփթաղների թագավոր»: Երկու տող հետո Սեբեոսի նույն տեքստում հանդիպում ենք «քուշանների թագավոր» տերմինին: «...Ապա ի վերուստ իմն հասեալ աւգնութիւն՝ պատառի վերտ և ամուր բահլիկ և կուռ զրահին ամրութիւն արքային Քուշանաց ի նիզակէն Սմբատայ: Պարսիկների և թեոալագիների այս ընդհարումն ավարտվում է Սմբատի հաղթանակով: Նա հասնում է մինչև «Ի Բահլ շահաստան Քուշանաց, և աւար հարեալ զերկիրն ամենայն, զՀար և զՎատագէս, զՏոխորոստայն ամենայն և զՏաղական, առնոյր և զբերդս բազումս, և զնոյնս քանդեալ աւերէր և դառնայր յաղթութեամբ մեծաւ և բազում աւարաւ, և երթեալ բնակէր ի Մարգ և ի Մարգուտ գաւառի»⁶⁵:

62 Ի տարբերություն Աֆրիկա աքսորված Սմբատ Բագրատունու, հայկական սկզբնաղբյուրներում հիշատակվող Սմբատը կոչվում է «բազմահաղթ», իսկ Սեբեոսը նրան մշտապես անվանում է Խոսրով Շում, որ պարսկերեն նշանակում է Խոսրովի ուրախություն:

63 Ս ե բ ն ո ս, էջ 66:

64 Նույն տեղում, էջ 67:

65 Նույն տեղում, էջ 68:

Սերեռոսի այս հատվածում հիշատակվող շրջաններն ընկած էին Բալխի և Մերվի միջև և, ինչպես արդեն մեզ հայտնի է, այդ ժամանակ հիշյալ շրջանները գտնվում էին թուրքական խականության գերագույն իշխանության ներքո։ Պետք է կարծել, որ նրանք խականի հետ պայքարում էին պարսիկների դեմ։ Բացառված չէ նաև, որ քուշանների այս թագավորը ծագումով թետալացի լիներ⁶⁶։ Այսպիսով, քուշաններ տերմինը VII դ. դեռ շարունակում էր հիշատակվել և չէր կորցրել իր նշանակությունը։

Սերեռոսի վկայություններն ավարտվում են Սասանյան վերջին թագավոր Հազկերտ III-ի մահվան նկարագրությամբ, որը տեղի ունեցավ 651 թ., այսինքն՝ նկարագրվող զբաղեցրած տասը տարի անց։ Պատմիչի ասելով՝ արարները հետապնդելով Հազկերտին, հասան նրան. «...մերձ ի սահմանս Քուշանաց (այսինքն Մերվի շրջանում) և կոտորեցին զամենայն զարս նորա։ Եւ փախուցեալ անկաւ ի զարս թէտալաց, որ էին ի կողմանցն եկեալ նմա յազնականութիւն»⁶⁷։

Այսպիսով, «քուշանների սահման», «թետալացիների զորք», «քուշանների երկիր» արտահայտություններն, ասես, կորցրել են իրենց քաղաքական նշանակությունը։ Հայ պատմիչների վկայությունները հավաստում են, որ և՛ քուշանները, և՛ հեփթաղները, և՛ թետալացիները էթնիկապես ազգակից ցեղեր էին։

АРМЯНСКИЕ СРЕДНЕВЕКОВЫЕ ПЕРВОИСТОЧНИКИ О КУШАНАХ

ЖАСМЕН ЭЛЧИБЕКЯН

Резюме

Армянские средневековые источники содержат немногочисленные, но чрезвычайно интересные сведения об ираноязычных племенах, обитавших на территории Бактрии и Средней Азии. В армянских средневековых первоисточниках они известны как кушаны, теталийцы, эфталиты. Эти материалы проливают свет на многие события политической жизни Кушанского царства. Достоверность последних подтверждается ираноязычными источниками. Армянские авторы были современниками, а иногда и очевидцами описываемых событий. Исследование армянских источников приводит к выводу, что кушаны, так же как теталийцы и эфталиты, являются родственными племенами.

⁶⁶ К. В. Тревер, *Изд. шзл.*, էջ 143.

⁶⁷ Սերեռոս, էջ 140.